

«Аллоҳу акбару кабийро. Валҳамду лиллаҳи касийров ва субҳаналлоҳи букротав ва асийла», деди.

Расулуллоҳ соллаллоҳу алайҳи васаллам:

«Бундай деб айтган ким?» дедилар.

Қавмнинг ичидан бир одам:

«Мен, эй Аллоҳнинг Расули», деди.

У зот соллаллоҳу алайҳи васаллам:

«Мен ўша(сўз)ларга ажабландим. Уларга осмоннинг эшиклари очилди», дедилар».

«Ибн Умар:

«Расулуллоҳ соллаллоҳу алайҳи васаллам шуни айтганларидан буён ўша сўзларни тарк қилмадим», деди».

Муслим ва Термизий ривоят қилганлар.

Шарҳ: Ушбу ҳадисдан олинадиган фойдалар:

1. Расулуллоҳ соллаллоҳу алайҳи васалламнинг ҳузурида баъзи саҳобалар ихлосли дуоларда ўзларича ижтиҳод қилганликлари.
2. Расулуллоҳ соллаллоҳу алайҳи васалламнинг ушбу ривоятдаги дуони тасдиқлаганлари ва уни ким айтганини сўраганлари.
3. Ушбу ривоятдаги дуога осмоннинг эшиклари очилганлиги.
4. Расулуллоҳ соллаллоҳу алайҳи васалламнинг камтарликлари.

Ким бўлишидан қатъи назар, у зот яхшилик қилган одамни тақдирлашлари.

5. Бу дуони Ибн Умар розияллоҳу анҳу санода ҳамиша ўқиб юрганликлари.

6. Ўша дуонинг таржимаси:

«Аллоҳ улуғнинг улуғидир. Аллоҳга ҳамдларнинг кўпидир. Эртаю кеч Аллоҳни пок, деб ёд этарман».

«Ҳадис ва ҳаёт» китобидан